

## L'ASOCIACIÓN

L'Asociación Cultural Faceira ye una entidá dedicada al estudiu, divulgación, protección y proyección del patrimoni cultural, históricu y llingüísticu de Llión.

Muitos elementos de la nuesa herencia cultural están perdiéndose, pero outros muchos merecen pervivir adaptándose a los nuevos tiempos. El lliónés ye un aspecto de la nuesa personalidá al que dedicamos una especial atención, sin desatender otros ámbitos culturales y llingüísticos de Llión que nos interesan y prestan.

## EL NUESU NOME

Faceira ye un guapu términu con un son típicamente lliónés propiu de las tierras occidentales de Llión y de Zamora, y que tamién se constata na Tierra de Miranda portuguesa. Fritz Krüger señaló que faceira es un término colectivo y significa **“el conjunto de las tierras cultivadas de un pueblo”**. [*La cultura popular en Sanabria*, 1991 (1925)]. Amás, nas tierras del norte de la provincia de Llión, n'Umaña o Babia, facera ye l'aproveitamientu d'un pastu común entre diferentes puebrs, onde vemos presente tamién esa noción colectivista y comunitaria característica de la tradición lionesa.

## EL NUESU LOGO

El nuesu logo inspírase nún de los petroglifos con forma de laberintu redescubiertos hai poucos años nos campos de Maragatos, con dous de los colores predominantes nos pendones de tierra de los nuestos puebrs: el verde y el roxu. El diseñu del logo sincretiza bien de símbolos: los nuestos raigaños históricos y culturales, el campu aráu, la tierra y la naturaleza, o l'árbol baxo'l que s'axuntaba antaño'l conceyu del puebru en muitos llugares lioneses p'adoptar los sous alcuerdos.

[www.faceira.org](http://www.faceira.org) - [asociacionfaceira@gmail.com](mailto:asociacionfaceira@gmail.com)

## PUBLICACIONES

“Xurdir. Gramática básica de leonés”  
“Mitoloxía popular del reinu de Llión”  
“La nuesa fauna” (lámina).

## PÁGINA WEB

[www.faceira.org](http://www.faceira.org)

## TWITTER

@faceira\_

## FACEBOOK

<https://www.facebook.com/AsociacionFaceira>

## ISSUU

<http://issuu.com/asociacionfaceira>

## EMAIL

[asociacionfaceira@gmail.com](mailto:asociacionfaceira@gmail.com)




# ASOCIACIÓN CULTURAL FACEIRA



QUIÉN SOMOS

## EL LLABOR DE FACEIRA

La publicación de tres llibros: una **Gramática básica de leonés titulada Xurdir**; un volume dedicáu a la mitoloxía llionesa: **“Mitoloxía popular del reinu de Llión”**; y el llibru **“Cuentos infantiles en lliónés.”** También acabemos d’editar una lámina ou póster tituláu **“La nuesa fauna”** colos nomes en lliónés de la fauna más caraterística de la nuesa tierra, y que vamos distribuir en escuelas de zonas de fala llionesa de Llión y Zamora.



Tódo los años organizamos unas xornadas de contenidu más académicu xunto con outras asociaciones de la nuesa tierra y que chamamos **“Xornadas de Patrimoniu Llingüísticu y Cultural”**, de las que llevamos celebradas 4 ediciones cola participación d’investigadores y profesores del ámbitu universitariu.

Amás tamién organizamos unas xornadas más lúdicas nel outoñu que chamamos **filandones** (seranos o calechos), dedicadas a la lliteratura, la música y la tradición oral de Llión.



Outru proyectu ye na **defensa de los conceyos** llioneses y del norte de España en xeneral. Queremos emburriar la declaración de los conceyos como patrimoniu cultural inmaterial de la humanidá pola UNESCO, y pa ello estamos preparando un documental xunto con Bambara Zinema tituláu **“La voz del concejo”** qu’ayuda a valorar la sua importancia y pervivencia como exemplu de democracia directa que funde las suas reices nos tiempos del Vieyu Reinu de Llión. Este proyectu cuenta col apoyo de la Fundación Cerezas y la CECU Unesco d’España.



Tamién exercemos una **actividá reivindicativa de la llingua llionesa** ante el Conseyu d’Europa, la Comunidá Autónoma de Castiella y Llión (Cortes y Junta), inclusive ante l’Estáu Español, yá que’l lliónés ye un idioma protexidu pol **Estatutu d’Autonomía de Castiella y Llión**, que diz (artículo 5.2): “El lliónés será oxetu de protección específica polas instituciones pol sou valor dentro del patrimoniu llingüísticu de la Comunidá. La sua protección, usu y promoción serán oxetu de regulación”. Hasta agora nenguna medida de protección ou de promoción existe polas instituciones.

